



Jericho Qiplagiktut Uyagakhiuqvik Imaqmut Laisa Nutanguqtaunia Ataniuyunut Nainaqhimayut

Tamna Jericho Qiplagiktut Uyagakhiuqvik inilik mikhaani 260 kilaamitat kanangnata Kugluktuk, NU tamnalu 30 kilaamitat uanangani Lupin Uyagakhiuqvik. Tamna Jericho Uyagakhiuqvik hanayauhimayut aulatauplunilu tapkunangat Tahera Qiplagiktut Kuapurisan (TDC-kut) akungani 2004 tamnalu 2008. Aagasi 2010-mi, Shear Diamonds (Nunavut) Kuapurisan (Shear-kut) niuviqta tamna Jericho Uyagakhiuqvik piqutailu ihumagiyaqlu tapkuat havagini taphumunga havakvikmut. Tamna imaqmut laisanga tuniyauhimayuq tapkununga Shear-kut ihuaqhigiagutalu tukhigaut tapkuat maligainut imaqmut laisanga angiqtauyut tuniyauninganut atauhiq ukiumut uigunia talvangat Matyi 1, 2012.

Tamna havanguyuq pihimavaktuq Munagiyaunia Ihuaqhihimanialu pigiaqhugu Juni 2008. Shear-kut tuniyat submitted Munagiyaunia Ihuaqhihimanialu Upalungaiyaut talvani Januari 31, 2011 naunaiyaqnia angiqtaunialu. Tamna uyagakhiuqvik huli pihimayauniaq Munagiyaunia Ihuaqhihimanialu piplogu Shear-kut naunaiyaini tapkuninga havikhait piqaqniinik. Iniqata tapkuat naunaiyaqni, tamna uyagakhiuqvik upalungaiyauta naunaiyaqtauniaq tamnalu aulaninganut atugakhaliat taphumunga havanguyumut naunaiqniaqtut.

Malikhaqniqmut naunaiyaqnia tuniyauhimayuq tapkununga Nunavut Imaligiyyit Katimayit talvani Nuvipa 2010 naamakhiquplugu piyaqaqnia nutanguqnianik tamna imaqmut laisanga. Una naunaiyaqnia unniqhimayuq qaphit malikhaqngitnit tatya atuqnianik pivigiyait niuviqtaunia. Qaphit upalungaiyautit piyalgit atuqhugit tapkuat imaqmut laisanga tuniyaunia hivuani nanminilikmut tuniyauhimaitmata tamnalu/tamnaluniit angiqtauninut. Shear-kut hannaiyaqhimayat nutanguqhugulu tapkuat upalungaiyautit piyaqaqni atuqhugu imaqmut laisanga ilaliutihimaplugitlu tapkuat ilagiyanut taphuma imaqmut laisamut nutangugutikhaq titiqanut.

Pitaqqat Shear-kut iniqhini piqaqninut naunaiyaqni naunaiyaqnilu tapkuat havikhaliuqvik hannaviklu pilaqni tapkuat tatya atuqtut havagutiit hulivalliq nutanguqtiqninut tapkuat upalungaiyautit tuniyauni piyaqaqniagunaqhiyut. Shear-kut naunaiyaqniaqtaui tamaita upalungaiyautit piqaqtitilutiklu naamaktumik tuhaumapkainiq hivuagut havalitqiktitiniahaqlutik.